
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0.50.
Advertentie limrah: f 0,15 sagaris:
(apes: f 1.25).
Moendoet kapatjak langkoeng saking sa-
pisan, oetawi moendoet dados lengganan,
tepatang rembag roemijin kalijan admini-
stratie.
Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
sampoen kalijan regining Soera Katholiek
1 taoen f 7,50 } njoewoen kabajar
1/2 f 3,75 } roemijin.
Adrèspoen Redactie lan Administratie
IGNATIUS-COLLEGE
DJOKJAKARTA.

Drukkerij „Canisius” Djokja.

ISINIPOEN:
Wara-wara — Badé katiwasan —
Djempolan panoentoen — Gesang
rerajatan lan djagad social — Swara
inggang awis kapi reng — Soem-
bangan — Seseboetan Santo Rama
enz. — P. K. W. Ambarawa — K. W.
Ambarawa — K. W. afd. Soerabaya —
Angon mangsa di weroeh ing wajah —
Ontjen sekar gambir melati —
Oerap-sari — Correspondentie.

WARA-WARA.*
Lengganan inggang dèrèng
mbajar kwartaal minggoe poe-
nika badé dipoenkintoeni post-
wissel tagihan; samentan oegi
lengganan inggang taksih gadah
toenggakan taoen 1929.
saking ADMINISTRATIE.

PRADJA RAHAJOE.

BADÉ KATIWASAN.
Inggihi, badé katiwasan, manawi
boten wonten inggang tèteloeng.
Para maos sampoèn ngertos, bilih
samangké tjtjahing montor mindak,
tjtjahing tjtjahing inggang nanem wit
karèt inggihi mindak, dalasan bangsa
Indonesia oegi toemoet. Ladjeng
sami djor-djoran.
Kotjapa, énggal poenika satoeng-
giling toewan Bosch manggihi réka
énggal, soepados anggènipoen ndè-
rès karèt medala katah. Manoe réka
énggal poenika angger oewitsa-
ged ngedalaken 100% tanpa kanti
nggrisakaken witipoen.
Jèn sadaja bangsa Éropah ing-
gang gadah wit karèt, sami ngan-
gé réka énggal poenika, bangsa In-
donésiah badé kompèren, wosana
katiwasan.
Jèn wedaling karèt saja katah,
aosipoen wonten ing peken-donja
badé medak. Poenika toemrap bang-
sa Éropah boten dados poenapa,
djalaran saged oegi taksih bati, dja-
laran soegih karèt. Sareng bangsa
Indonesia, katahing karèt boten min-
dak, pengaos soeda, ndadosaken
bobrok.
Sarèhné bangsa Indonésiah poe-
nika boten pinter, soepados sam-
poen katiwasan, kedah dipoentoe-
loengi. Sinten inggang saged noe-
loengi? Namoeng golongan land-
bouwconsulent.
Mila saking panoewoen koela
moegi prakawis poenika kagaliha
dénig para djempol-djempolan,
langkoeng-langkoeng para land-
bouwconsulent, awit jèn ngantos
kasèp, bangsa Indonésiah inggang
nanem wit karèt badé kapitoenan
ageng, wosana ladjeng sami boten
poeroen nanem malih, wosana éko-
nomi saja moendoer.
„Jèn Kober.”

DJEMPOLAN - PANOENTOEN.
Saweg taoen 1923 Dr. G. J. Nieu-
wenhuis njerat boekoe „Opvoeding
tot autonomie.” Ing ngrikoe pan-
djenenganipoen nrijosaken, bilih ing
Indonesia ngrikoi „leidersopvoeding”
(panggoela-wentahing djempolan-
panoentoen) taksih kirang sanget.
Ing poendi-poendi kadosta ing
Éropa, Djepang, Tjina, Indija-nga-
djeng lsp. prakawis poenika dipoen-
perlokaken sanget.
Ing Griekenland-kina, ing Roem,
ing public-school Inggris, ing Lan-
derziehungsheime Deutschland, ing
highschool Amerika, ing samurai
Djepang, ing Indija-ngadjeng, tje-
kakipoen ing poendi-poendi pang-
goela-wentah toemrap djempolan-
panoentoen poenika saéning wewa-
tekan lan kasarasan langkoeng di-
poenperlokaken tinimbang katahing
kawroeh.
Toewan Nieuwenhuis tjrjos: Ta-
nah ikoe enggoné ora gemah-ri-
pah ora margah akèh wong kang ora
bisa matja, nanging enggoné koe-
rang wong kang ora bisa matja
ikoe kagawa saka gemah-ri-
pahing tanah. Wondéné tanah bisané ge-
mah-ri-
pah (welvaart) ikoe margah
*) Kaatoeran mrelokaken oegi maos Cores-
pondentie, bab liboeran Sijam. Adm.

doewé djempolan-panoentoen, sing
wasis noentoen lan ngégah-égoehaké.
Jèn para djempol-djempolan wateké
peng-pengan, sarta wong-wong
tjilik mangkono oega, kena tan ora
tanah Indonesia bakal madjoe.
Wong-wong Djawa kang ora
mamboe sekolahan nanging doewé
watek koekoeh, ikoe ngadat ékono-
miné ija bakoeh.
Dèk andedel-dedelé Republik
Walanda bijèn mbarengi wongé doe-
roeng wasis-wasis kaja saiki, na-
nging wateké peng-pengan djem-
pol-djempolané kang noentoen wa-
teké ija mangkono.
Dr. Nieuwenhuis tjrjos, wadjib-
ipoen djempolan-panoentoen poe-
nika 1^o doewé watek oetama (vroom-
gemoed) 2^o badan waras 3^o karepé
kentjeng 4^o ora wegahan 5^o wasis
jèn gawé pepantjasan (scherp oor-
deel) 6^o seneng marang kagoenan
7^o seneng tèteloeng marang bang-
sané. Ladjeng dipoenwewahi 8^o ora
isin njamboet gawé sing kasar-kasar.
Nalika Dr. Nieuwenhuis njerat,
boekoe „opvoeding tot autonomie”
poenika, djempol-djempolan dèrèng
katah. Samangké sampoèn radi ka-
tah, nanging poenapa sadaja sami
anggadahi watek woloe kados ing
nginggil poenika? Langkoeng-lang-
koeng watek nomer satoenggal poe-
nika taksih katah kirangipoen. La-
djeng no. 3 lan 4^o poenika inggihi
taksih kirang, tandanipoen ing poen-
di-poendi ngwontenaken sesorah:
ngedegaké anoe, nganakaké anoe
lsp. Doemoengining ngendon: ora
madeg, ora ana.
Mangga, inggang roemaos saged
dados djempolan-panoentoen, nge-
goelanga watek 8 poenika.
Manoe Dr. Nieuwenhuis: djem-
polan-panoentoen no. 1, mengko
alphabeten (wong kang ora bisa
matja) bakal katoet ilang, margah ta-
nahé gemah-ri-
pah.
Poen P. D.

LARASATI.

GESANG RERAJATAN LAN
DJAGAD SOCIAL.
Wewenang lan wadjibipoen tjtjahing
sepoeh datang anak.
Manawi tjtjahing sepoeh, kados ing-
gang sampoèn koela atoeraken ing
Swara-tama No. 3 kedah andjagi ka-
wiloejdjenganipoen anak menggahing
badan, tjtjahing sepoeh langkoeng ka-
wadjiban andjagi kawiloejdjenganipoen
anak menggahing soekmani-
poen. Sebab soekma kalijan badan,
langkoeng adji soekma, mila pangroe-
matipoen inggihi kedah langkoeng
dipoenpersoedi. Pramila sampoèn
samentinipoen kémawon, jèn pan-
djaginipoen soekma langkoeng ka-
ewratakan tinimbang pandjaginipoen
badan; dados manawi wonten pa-
manggihi oetawi tjara inggang njim-
pang saking wewaton poenika, temtoe
boten ngenggèni leres. Mila ladjeng
kènging dipoenwastani lepat pa-
trapipoen tjtjahing inggang namoeng
ngrembag bab badanipoen (bab lahir)
kémawon, nengenaken barang sepélé,
soepé datang kebatosan. Kebatosan
poenika pantjènipoen nomer satoeng-
gal, teka ladjeng dawah nomer kalih;
dados inggihi boten kènging; kaba-
tosan boten kènging kakoewalokaken.
Barang lahir inggang goemelar poeni-
ka namoeng kanggé djaman awal
ngrikoi, sareng kabatosan poenika
toemoedjoe datang djaman akhir ing
bèndjing. Kanggé kita tjtjahing Katoelik
prakawis poenika sampoèn boten
tida-tida, nanging malah sampoèn
gambang tjeta wela-wela sanget.
Dados menggahing kawiloejdjeng-
anipoen soekma, tjtjahing sepoeh wa-
djib ngrigenaken lan andjagi, soepa-
dos anakipoen énggal angsal Sakra-
mèn Baptis. Poenika kanoegrahan
ageng sanget, inggang kasoekakaken
laré déning tjtjahing sepoehipoen.
Tjtjahing sepoeh kedah andjagi, soe-
pados laré angsal piwoelang bab
saraking agami, liripoen; sadaja ka-
njataan-kanjataan toewin kawadjiban
inggang dipoenwoelangaken ing A-
gami.
Tjtjahing sepoeh oegi kedah andja-

gi, soepados anakipoen adjar (sina-
oe) ing pamoelangan, inggang boten
moetawatosi kanggènipoen piandel
oetawi kasoelisanipoen (kaoetamèn)
laré; dados laré Katoelik wonten
ing sekolahan nétral poenika boten
kènging; déné sebab-sebabipoen
badé koela terangkaken ing bèndjing.
Manawi laré sampoèn soemerep
poendi kawadjibanipoen tjtjahing se-
poeh oegi kedah ngoedi sagedipoen
koewadjiban waoe katindakaken ing
laré kanti samentinipoen.
Wiwit alit mila laré kedah dipoen-
doenoeng-doenoengaken saha di-
poenpiotoeri soepados ngitjali
tjtjadipoen lan patrap inggang bo-
ten saé. Makaten poenika inggihi
kawadjibanipoen tjtjahing sepoeh da-
teng anak.
Ing wosana tjtjahing sepoeh kedah
soeka toelada datang anakipoen,
soepados poen laré sarana njpati
pijambak langkoeng gampil anggè-
nipoen ngetjakaken. O mila katah
toewin wigatos sanget sesanggè-
nipoen dados tjtjahing sepoeh poenika.
Ananging poenika sadaja nama ka-
wadjiban soetji, mila kedah katin-
dakaken klawan ngatos-atos.
Ing ngrikoi boten soesah koela
terangkaken, sebab poenapa laré ke-
dah énggal-énggalan kasoewoenaken
baptis. Tjtjahing Katoelik sampoèn
mangertos sadaja datang genging
pigoenanipoen.
Dinten wingking kateroesaken.
A.

KOEROE SETRA.

SWARA INGGANG AWIS
KAPIRENG.
Bab:
Boten sak boten serik, atiné
anggangdijel sadingklik.
mBoemboni oréanipoen saodara
Bajoewara ing Sw. Tm. no. 2 Ja-
nuari 1930, bab kados kasebong.
Panjerat sampoèn dangoe gadah ras-
os inggang tjtjahing kalijan sad. Ba-
joe, prakawis tradjagipoen Balé
Poestaka datang golongan kita, na-
nging koela ampet kémawon, sa-
weg sapoenika saged kawedal, dja-
laran wonten inggang mbboekani.
Marga kerep lan katah maos boe-
koe-boekoe wedalan B. P. panjerat
gadah kajakinan, bilih:
I. Kanétralnipoen B. P. saéstoe
boten djedjeg, alias memihak sebe-
lah, ngantos kerep njerikaken go-
longan kita Christen.
II. Boekoe-boekoe wedalan B. P.
mèh sadaja basanipoen saé, boten
maiben, nanging isinipoen katah ing-
gang ndjoewarèhi lan kirang migoe-
nani toemrap adjenging bangsa oet-
awi boten toemrap jèn poenika
kanggé noentoen bangsa.
Andaranipoen sdr. Bajoewara
sampoèn terfeng, tjekap; boekti boe-
koe-boekoe inggihi boten ngoejang.
Panjerat sagah madosaken.
Nitik kawontenan I kita serik sa-
ngget datang B. P.
Nitik kawontenan II pamanggihi-
poen panjerat, ingatasipoen B. P.
poenika panoentoen bangsa, boten
lajak sanget jèn B. P. ngedalaken
boekoe-boekoe inggang katah-katah
meleg bab inggang boten dedasar
kaoetamèn (onzedelijk).
Pangadjeng-adjengipoen panjerat,
margi oréanipoen Bajoewara lan
oréan poenika, B. P. poeroena ngé-
wahi tradjagipoen inggang lepat
kaleresna; inggang boten laras, ka-
larasna.
Mangga sami dipoenentosi!
Pepoentoning rembag: Panjerat
poenika barèsipoen kagolong R. K.
lan panoentoen bangsa (é, boten ké-
tang alit), inggihi toemoet ngonjok-
onjokaken dagangan B. P., oegi ke-
rep ngoerbanaken tanaga, lan ngan-
tos sampoèn atosan Volksalmanak
inggang kasadèkaken datang kantja
Boemi. Nanging manahipoen, awit
roemaos kakoewalokaken. Mangka
njatané inggihi boten sakedik tjtjah-
ing golongan kita inggang mbantoe
Balé Poestaka. Mila jèn B. P. teros
atrading kados sapoenika, kita bo-
ten wadjib mbantoe inggang rosa.

RETRÈT.
Bèndjing sijam ing Moentilan badé
ngawontenaken retrèt mawi basa Dja-
wi. Wiwit tanggal 24 Februari (Senèn
Sonten) doemoegi 27 Februari. Wra-
gadipoen f 3.—
De Rector
van het XAVERIUS-COLLEGE.

Sarta malih: Sinten kémawon ing-
gang poeroen-poeroen meleg bang-
sanipoen ing kawroeh kirang saé (on-
zedelijk), nama misani bangsanipoen;
boten nama ngadjengaken bangsa-
nipoen, nanging kosok-wangsoeli-
poen.
**

Minangka panoeptoep, B. P. pra-
jogi nggatosna swara inggang awis
kapi reng poenika, moerih saénipoen
sarta émoeta datang wewarah: ala-
ning satroemoe sidji, ngoengkoeli
betjiking mitra satoes.
Samanten roemijin!
Poen: MANDARWA.

VARIATA.

SOEMBANGAN.
— Ramé swaraning serat-serat
kabar ngrembag bab soembanan.
Wonten inggang gadah pemanggih
kedah itjal, alas-alasan maton. Sawe-
nèh itjal inggihi itjal, nanging sa-
sakedik, keterangan inggihi maton.
— Sanadjan barang poenika sam-
poen nama wajoe, nanging sarèhné
ing Sw. Tm. dèrèng wonten inggang
ngedal pemanggih, mila badé koe-
la enget malih.
— Soembang tegesipoen sami ka-
lijan soeroeng, sok karangkep dados
soembang soeroeng; inggihi ateges
bantoe. Dados tjtjahing njoembang
nggadahi kadjeng ambantoe, sarana
arta, wos l.s.s.
— Nitik tegesing temboeng, tjeta
sanget manawi inggang kedah ka-
bantoe poenika poenapa-poenapa
inggang katjampréngan oetawi ka-
sékéngan. Noeloengi tjtjahing oetawi
nbantoe datang tjtjahing kasékéngan
poenika sampoèn dados wadjibing
tjtjahing Katholiek.
— Mas Karjaepama sanget ke-
mlaratan, bebasan tjowèk gopèl ké-
mawon boten gadah; inggang kate-
da ing saben dintenipoen dèrèng
temtoe wonten. Doemadakan anaki-
poen èstri Sriepami pedjah. Lah,
kados mekaten poenika panfes ka-
soembang. Dados toedjoening soem-
bangan inggang kados mekaten poe-
nika koela matoek, botem kaitjatan.
Djalaran sepiasan pantjèn njata ke-
tjingkrangan, kaping kalih katik tan-
pa kanjana-njana manggihi sengkala.
— Sanadjan gadah damel pisan
inggang sampoèn kapikir lang-
koeng roemijin, nanging manawi
njata kekiranngan namoeng badé
ngenggèni salimrah kémawon boten
saged, meksa pantes kasoembang.
Kadosta: Benda badé netakaken
anakipoen nama Bendoel. Kanggé
épahan bong kémawon boten saged,
poenika kedah kabantoe.
— Wondéné tjtjahing tjekap mang-
gihi sambékala inggang tanpa ka-
njana² pisan, pemanggih koela bo-
ten perloe kasoembang, langkoeng²
inggang sadèrèngipoen sampoèn
karantjang roemijin, kadosta mantoe,
l. s. s. Wohipoen boten sanès na-
moeng badé ngringkihakan ékono-
mining kalih-kalihipoen. Jèn tjtjahing
Sa-Indonesia tasihi nglenggahi tata-
tjara inggang kados makaten ing-
gang kabekta saking isin, jèn ta bo-
ten njoembang, temtoe t. Indonesia
ija inggihi dèrèng saged soegih te-
tjagipoen. Mila leres satoenggiling

kempalan inggang mewahi werk po-
gramipoen nedyang ngitjali soemba-
ngan inggang sampoèn boten toe-
mrup djaman semangké.
— Tjtjahing Katholiek kedah ndjagi
soemebarang Agami, sampoèn ngan-
tos Agami ladjeng angsal tjloréngan
awon inggang djalaran saking tin-
daking tjtjahing inggang nglam-
pahi Agami Kath. waoe.
— Ing ngrikoi koela njoewoen
priksa, kados-poendi sikep koela,
manawi manggèn ing panggènan ing-
gang tjtjahing taksih ngangseg
sanget datang prakawis soembanan,
inggang sampoèn boten keplok ka-
lijan djaman sapoenika? Langkoeng-
langkoeng manawi katondjok?
— Manawi koela kèndel temtoe
wiloejdjeng. Nanging indrukupoen
temtoe boten saé, toer mesti njang-
king Kristen. Wong Kristen, wong
tjtjèng gontèng, wong Srani Agama
Landa.
— Mekaten sadèrèk angélé sesa-
rengan ing madyaning maatschap-
pij; ndjagi wijaring Keraton Dalem,
kerep kelampahan éwoeh — aja.
— Wasana njoewoen seserepan.
DJADIR.

SESEBOETAN „SANTO RAMA” KANGGÉ PAUS.

Wonten pitakèn: Poenapa poenika
boten tjtjahing kalijan Kitab Soetji?
Ing Kitab Soetji wonten oeng-
oengelan makaten: „Adja moeni
Rama marang manoengsa, amarga
moeng sidji Ramanira, jaikeo kang
ana ing Swarga.” (Math. 23 : 9).
„Kang mangka bangsa R. Kath.
mastani pangagengipoen: „Rama”,
gèk nganggé „Santo” poenapa;
poenapa poenika boten njlèwèng
saking Kitab Soetji?”
O, sadèrèk, makaten poenika ba-
rang gampil. Jèn kados makaten
pandjenengan boten saged mangre-
tos, pandjenengan temtoe tansah
bingoeng, répot, boeneg, djebeg,
manawi maos Indijil, amargi ing
ngrikoe saéstoe wonten tetem-
boengan inggang langkoeng angél
lan roewet tinimbang ing bab
nginggil waoe. *)
Déné jèn saéstoe pandjenengan
badé ngepleki temboeng-temboeng
ing Kitab Soetji, prajogi seseboetan
„Dominee”, inggihi kaitjatalana,
amargi poenika ateges: b e n d a r a,
malah oegi ateges „Goesti” (toe-
mrup Goesti Allah). Kang mangka
Sang Kristoes inggihi ngandika
wonten ing toenggil bab ngrikoe:
„Lan sira adja gelem sineboet ben-
dara, amarga moeng sidji bendara-
nira, jaikeo Sang Kristoes.” Meng-
gah inggang kinarsakaken Sang
Kristoes, tegesing tetemboengan
waoe, katjeta wonten ing oeng-
oengelan s a n è s **) ing bab Indijil
*) mila bingoeng, répot, djebeg lsp. amargi
negesi Indijil manoe pamanggihipoen pijam-
bak. Tjtjahing satoes jèn makaten saged warni
satoes. Negesi Indijil poenika kedah manoe
„inggang kapatah negesi” inggihi poenika
„Pasamoewan Soetji.” Kedjawi poenika
sampoèn namoeng mendet „satemboeng”
oetawi „saekara”, nanging kedah mendet
oegi ngadjeng lan teroesipoen, ladjeng ka-
tjotjogaken kalijan temboeng oetawi oekara
ing bab s a n è s (mirsanana ing nginggil **)
lan kalijan piwoelangipoen Poedjanganing
Pasamoewan lsp., soepados ngertos kadjeng-
ipoen. Red.

stemrecht, déning warga sadaja, kapilih kadadosaken pangreh énggal inggih poenika:

- I. sadèrèk C. Soekardja, kam-poeng Patemon 20 (Voorzitter)
- II. sadèrèk S. Soedarmodjo, ziekenhuis Dermo (Vice Voorzitter)
- III. sadèrèk F. Soeratijo, Wonore-djo g. 2 No. 12 (Secretaris)
- IV. sadèrèk t. Widijono, Wonore-djo g. 2 No. 12 (Penningmeester)
- V. sadèrèk P. Sarwan, Delimaweg 15 Ngemplak (Commissaris)
- VI. sadèrèk M. Soedjimin, Djagalan g. 7 No. 46 (Commissaris)
- VII. sadèrèk Wahjoedi, kampoeng Patemon 20 (Commissaris).

Pangreh lami matoer kasoeuwen déning para sadèrèk Katholiek ing Soerabaja, déné sampoen saged nindakaken wontenipoen K. W. Soerabaja ngantos doemoegi pilihan warga pangreh énggal kaseboet. Wasana parepatan djam 1 siang katoetoepl klajan basoeeki saha rahajoe, Amin!

Verslaggever.
Sbaia, 20 - 1 - 30. Abonne No. 566

WARA-WARA.

Sarèhning déning parepatan ta-oenan (19-1-30) ingkang kapilih dados pangreh énggal (Dagelijks bestuur) saking K. W. afd. Soera-baja, sadèrèk

- a. C. Soekardjo, Voorzitter mang-gèn ing Patemon No. 20
- b. F. Soeratijo, Secretaris mang-gèn ing Wonoredjo gg. 2 no. 12
- c. A. Widijono, Penningmeester manggèn Wonoredjo gg. 2 no. 12

kasoeuwen soepados sadaja oeroe-sanipoen parepatan oetawi warganing K. W. kadawahaken dateng salah satoenggiling pangreh énggal adrèsipoen, amrih énggal oeta-wi rikat pamboedidajaniipoen.

Wasana ngatoeraken priksa, bilih pangreh K. W. lami, sampoen boten gadah hak oeroesan kasebat malih.

Goenging panoewoen
Pangreh K. W. lami.
Sbaia. 20-1-30.

O E R A P - S A R I

KABAR KATHOIEK.

SAKING NGAJOGJAKARTA.

Pahargjan Alg. Broeder Overste.

(Darbèk Djawi dipoen-gegesang).

Kados ingkang sampoen naté kawartosaken wonten Sw. T., goeroe-goeroe Djawi ing sakolahan - sakolahan Kidoel Lodji, saèstoe mahargja rawoehipoen Algemeene Broeder Overste. Pahargjan waoe doemawah wonten tanggal 12 Djanowari, wiwit djam 7.30 sonten doemoegi 9.15, manggèn ing speelloods Broederan.

Tamoe ngoelama: padoeka Rec-tor X. College Moentilan, Directeur Kw. S. lan Norm. Sch. Moentilan, Pastoer sawatawis saking Kota Baroe, Pastoer - pastoer ing pastoeran Kidoel Lodji, poenapadéné para Broeder Ngajogjakarta, lan Moentilan sawatawis.

Tamoe bendara: Tédjakoesoeman, Djajadipoeran toewin Ki Hadjar Dé-wantara. Saking kalangan *panga-geng Onderwijs*. padoeka Inspecteur tw. Bosch, Schalken, lan School Opziener. Tamoe pangageng Walandi sanèsipoen: tw. Schmutzer Gandjoeran, Rietveld, Hatink lss. Kadjawi poenika wonten wakil-wakil Melania; W. K., goeroe² Zuster-an, goeroe² H. I. S. Kidoel Lodji, sagar-wanipoen; Sw. T. lan Soera Katho-lik; sadaja boten kirang saking 120. Kilap kalangoengan kilap kados poendi, goeroe - goeroe Standaard-school sami boten pikantoe oelem² kadjawi kalih; mila ing pahargjan waoe kénging dipoenwastani boten wonten goeroe-goeroe Standaardsch.

Programma: 1. *pamboeka*: Br. Overste Djokja. 2. *Pambagja*, sad. Soegiri ngatoeraken sedyaning pahargjan; ngatoeraken gending bingah déné karawoehan pangageng; ngatoeraken panoewoen toemrap lalabetanipoen para Broeder wonten laladan Onderwijs lan *Opvoeding* ing Indonésjah. Lan ngatoeraken H. I. S. Kidoel Lodji anggegesang kagoenan Djawi. 3. *Gending „Lebda Djiwa“* sekar kasarengan gangsa. Ingkang nembang langan swara moerid H. I. S. Kidoel Lodji ngewart soeraos bab Kasagahan Dalem Goesti Jésoes; boten ngoetjiwani! 4. *Perang tandangipoen* Abimanjoe kalijan boeta Gendringtjaloring. Ingkang ndjogèd laré alit (oemoer 10 taonan) moerid H. I. S. Kidoel Lodji. Sakalih-kalihipoen nama bregas, langkoeng - langkoeng déné taksih laré alit, toer sinaenipoen namoeng kalih woelan. Boten perloe katjar-rijosaken, prakawis poenika mesti kémawon dados mantepipoen ingkang gadah anak, dados bingah-ipoen sakolahan H. I. S. Kidoel Lodji, dados maremipoen ingkang paring piwoelang ndjogèd; dados leganipoen ingkang ningali. Soemerep kawontenan „laré alit ndjogèd boten ngoetjiwani wonten ngadjengipoen tijang katah“, boten maiben déné ladjeng dados pépénginanipoen laré sanès; ngantos wonten ingkang kawedal panemboengipoen dateng bapa soepados inggih dipoenwoe-langi makaten!

(Salebetipoen „prang tanding“ waoe kalih prakawis ingkang koela gagas a. Katah tijang mastani laré H. I. S. kasoepon oetawi ngemohi kagoenan Djawi, kirang tata-krama, lss. Nanging nitik ingkang kelampah ing daloe waoe, tétéla manawi kapresoei (déning goeroe - goeroe lan tijang sepoeh) tjtadj makaten waoe mesti saged itjal. b. Koela kêngetan djaman roemijin katah sanget tijang sepoeh njowitwakaken anakipoen dateng prijantoe; ing

pangangkah sageda mangretos kagoenan Djawi, koelina kalijan panindaking oenggah - oenggoeh tata trapsila. Poenapa wontening kadadosan ing daloe waoe, badé saged ngébahaken manahipoen tetijang sepoeh mresoei anakipoen dateng darbèk Djawi??

Preloe katjarijosaken, nalika „prang tanding“ waoe, ing pager-témbok sisih Lèr, katingal wonten sinjo, nonik, djongos lss. sami andjrabing ningali. Koela kinten sami mènèk anda. Jèn karaos, kalaras kalijan djagad koewajangan, angèmeri Semar, Garèng Pétroek, ningali peranging bandaripoen!

5. *Kyrie*, gending Goerisa (gangs); 6. *Sanctus* gending „Djoeroe-Djoeroe (gangs). Wonten ing programma 5 lan 6 (langan swara H. I. S.) poenika koela namoeng saged matoer: sadaja kénging kawastanan sami megeng napas, déning kataman aroeming swanten, saéning lagoe, wilending gending! Éwadéné manawi kangagé wonten Grédja koela boten saged ngatoeraken tjalon kale-resan poenapa boten. Koela namoeng saged njaois antjer - antjer manawi *gamelan sarantjak* kalebet-aken ing Grédja, poenika tangèh sagedipoen minangkani loehoer moe-loeking gagasan! Mila kedah dipoen-pilihi ingkang boten kasangenetn adamèl ébahing sarandoening badan! Kadjawi poenika temboengganipoen prajogi kasantoenan tjara Djawi. Awit manawi boten makaten, tetijang mesti namoeng kéloet déning swaraning gangsa, gagasanipoen kesilep déning gending, boten manah dateng panembah! Éwadéné, prakawis poenika koela soemanggakaken para moempoeni gending Djawi. Satoenggiling ahli gending anggadahi pamanggih: lagoe soeloek, poenika matoek kaanggé lelagon ing salebetipoen gezongen Mis.

Preloe kapratélakaken, programma no. 3, 5, lan 6, poenika dipoen-asta pandjenenganipoen Br. Cle-mentinus. Dados ing ngriki pandje-nengan pirsu prijantoe Walandi mangretos gending Djawi! Kita ti-jang Djawi soemerep kawontenan makaten poenika sampoen mesti ageng ing manah.

7. *Dolanan*, „Paman doblang“, nje-nengaken; adamel goemoedjeng (Dolanan mawi lagoe gadahanipoen ti-jang Djawi, pantjen wonten ingkang ngébahaken sarandoening badan! Toemrap para goeroe sakolahan andap kados inggih preloe ngopèni prakawis poenika!

8. *Djatilan* (moerid Standaard-school) gambira ngantos wonten sawenèhing tamoe ingkang katingal gregetipoen toemoet ébah! Pentoel, Tembem, lan . . . , kénging kapamèraken!

Sanadyan pandjenenganipoen Alg. Broeder Overste boten medar pangandika, éwadéné koela tanggel béndjing sakondoripoen mesti tansah kêngetan poenapa ingkang kalampah ing daloe waoe. Langkoeng - langkoeng dateng Abimanjoe kalijan Gendringtjaloring, Pentoel, Tembem sakantjanipoen!

Katholicken Betawi goemarégh!

Saking Betawi Red. tampi serat makaten: „Ing organipoen para oud. H. I. S. sers wonten oesoel-oesoelipoen sadèrèk Raf. Tahrin, angadjak soepados sadèrèk Betawi

poeroen kempal kalijan ada-adaning sadèrèk Bandoeng.

Ing riki roemaos koela, oegi sampoen katah prijantoeipoen Katholiek boten kirang 35; Nam-oeng ingkang sampoen sepoeh, tegesipoen ingkang sampoen lami dedalem wonten ngriki kok kénging koela wastani nglirwakaken wadji, doemèh pangkatipoen sampoen djempol tjara mrikinipoen, kok la-djeng kasoepon kalijan Goestini-poen!

Pramila ngantos ing wekdal poe-nika ing mriki dèrèng wonten pa-kempalan Kath. Djawi, awit para moeda, (kakoeng, poetri) sewaoe-nipoen nengga para sepoeh.

Ing rehning makaten, samangké para moeda boten nengga para se-poeh waoe malih, awit „toenggoe poenja toenggoe ta' berhatsil“ da-dos sami oemjeg anggènipoen sami ngrembag bab ing nginggil soepa-dos énggal lahir, inggih saking sa-kedik lan sadadosipoen.*

Moegi-moegi sageda kalampahan ingkang dipoentangkah para sadèrèk waoe, lan mangga sadèrèk mang-ké rak tansaja roemaket gesang kita ing mantja nagari, déné sadèrèk ingkang dèrèng mireng ada-ada waoe koela atoei, bilih dangan ing pang-galih moendoet priksa dateng para sadèrèk ing ngandap poenika.

1. Sadèrèk: G. M. Soetijem man-tri-goeroe Melaniaschool. Tamansa-ri (Welt).

2. Sadèrèk: P. M. Soediro mantri b/h. Kadaster.

3. Sadèrèk: Marc J. Soedarjono mantri-Verpleger C. B. Z.

4. Sadèrèk: E. J. Wadjib. p/a. Pastorie Mèntèng.

KABAR OEMOEM INDONESIA.

W. K. Ngajogjakarta.

Parepatan tanggal 16-1-30 mang-gèn ing dalemipoen sadèrèk lskak. Ingkang rawoeh kalih dasanan.

Dinten waoe W. K. Ngajogja ka-soemoekan dajaning konggrès, wiwit nganggé basa Mlajoe.

Sasampoenipoen notulen kawaos, sad. Rara Salmiati angantjaraken kawontenan manahipoen pinilih dados oetoesan, poenapa-déné am-bombong para warganing W. K. soepados sami sengkoet tandangipoen. Rara Poedjiati nggantjaraken jangs² saking konggrès: tjekak, talesih!

Poetoesan-poetoesan 1e. Rara Sal-miati kapilih dados wakil W. K. won-ten P. P. I. I. ing Ngajogjakarta. 2. W. K. béndjing 9 Februari badé ngadani gecombineerde bestuursver-gadering ngoelemi pakempalan-pakempalan wanita Katholiek ing sa-nès panggènan, sarana sesorah - sesorah l. s. s. Anggènipoen makaten waoe ing pangangkah sageda damel adjenging pakempalan-pakempalan Wanita Katholiek, poenadadéné soepados pakempalan-pakempalan waoe wontena sasambetanipoen. (Da-dos kénging koela wastani sagedi-poen wonten Poesara Wanita Kath.). 3. Béndjing lustrumfeest P. P. K. D. W. K. badé sadé sekar, papadjeng-anipoen kanggé oeroen-oeroen keki-rangan teda ing Manggarai poena-padéné kanggé preloe sanès.

Pakabaran: Wonten ing tentoontelling Bandoeng, W. K. Ngajogja-karta pikantoe eere diploma saking pakempalan Mardi Beksa Irama ingkang ngadani tentoontelling waoe, margi anggènipoen ngintoenaken se-ratan awoedjoed kampoe semèn rama. (p.f.).

Koersoes Kleinhandel.

Para maos sami pirsu wiwit woelan Mei 1929, ing Weltevreden won-ten schriftelijke cursus kleinhandel, dipoenpandégani tw. H. Entringer. Mondelingipoen koersoes waoe da-wah béndjing 3 Februari dangoeni-poen sawoelan, manggèn ing Betawi.

Ingkang katarimah dados moerid 26, i.p. Moestafa goeroe 2e. Inl. sch. no. 2, Pematangsiantar; Maradjah goeroe 2e. Inl. sch. no. 1 Pematang-siantor; Aminoerradjih goeroe 2e. Inl. sch. no. 1 Medan; Habib gelar Soetan Maharadjja, goeroe 2e. Inl. sch. Manindjau; Jasid gelar Soetan Tjani-ago wd. Ond. Inl. sch. Padang; Za-karia gelar Soetan Sinaro goeroe 2e. Inl. sch. no. 3 Fort de Kock; Dja-laloeddia wd. ond. 2e. Inl. sch. no. 8 Palembang; Mokibat gelar Radja Tjindar Boemi goeroe 2e. Inl. sch. no. 1 Teloekebetoeng; Mawi wd. ond. 2e. Inl. sch. no. 1 Kroe; Samsoe Soetawidjaja goeroe 2e. Inl. sch. no. 4, Buitenzorg; R. Maskoenkoe-soemahardja 2e. Inl. sch. no. 12 Bandoeng; M. Soekarna Gandawar-sita 2e. Inl. sch. no. 1 Cheribon; Sakir 2e. Inl. sch. Tjikatoma (Ta-sikmalaja). Radèn W. Soegita Han-dadjasapoetra 2e. Inl. sch. Djinom (Klatèn); Karaba Prawirahardja 2e.

* Red. boten terang poenapa karsanipoen kadang Kth. ing Bet. poenika ngadani pa-kempalan poenapa: poenapa K.W. poenapa P. P. K. D. oet. sanèsipoen Red.

ONTJÈN SEKAR GAMBIR MELATI.

NGAJOMI KASOESILAN.

(Actie ingkang pantes binijantoe).

Aroem daloe, inggih ko-poe ma-lem, alijas wanita palanjahan, poe-nika ing nagari poendi kémawon, wonten!

Sampoen kasaksèn ing para saged, karojolan satoenggall poenika sanget adamel risaking gesang sasarengan. Mandar kasangsaranipoen nglèlèpèti anak bodjo ingkang boten dosa!

Lan, sampoen kaseksèn ing sarak-ing Agami pinten-pinten, rojal èstri poenika ageng sanget siksaniipoen! Kedjawi siksawonten ngrikanipoen, wonten ngriki sampoen pikantoe doedoekaning Pangèran!

Mila, kedah dipoentandangi saèstoe sagedipoen boten keladjeng-ladjeng!

Wonten konggrès P.P.I. (ingkang sapoenika santon P(erikatan) P(er-koempoelan) I(steri) I(ndonesia) kala 30/31 Dec. '29, Mev. Goenawan se-sorah „Arah madjoe sedikit kemoe-ka“, soeraosipoen, anggepok praka-wis rojal èstri poenika.....

Mev. Goenawan anggadahi pa-manggih: „para kakoeng poenika panganggepiipoen dateng tijang èstri ingkang katah-katah namoeng kados barang ingkang saged adamel lega lan marem. Margi makaten waoe ngantos katah sanget wanita moer-sal. Pamedar sabda mratélakaken bilih oendang-oendangipoen Nagari toemrap tijang nglampahi djina sa-samipipoen, poenika boten adil. Djer kamanah namoeng ngèngingi para wanita. Kadjawi makaten, te-tijang èstri ingkang sami moerang sarak poenika namoeng kabekta saking mlaratipoen. Mila, ngoe-soelaken soepados ing Betawi di-poenwonteni grija kanggé ngopèni tetijang èstri ingkang sami makaten waoe. Sarta wonten ngrikoe soepa-dos ginoela-wentah ingkang saé.”

Ing ngriki ingkang dados pama-nahan koela namoeng sedyanipoen Mev. Goenawan ngopèni tetijang èstri moerang sarak.

Djanganipoen Mev. Goenawan poenika, pantji loehoer saèstoe! Pan-tes sanget dipoentilingaken! Pantes sanget dipoenbijantoe sagedipoen kasembadan! Lan, jèn pantjen badé dipoensembadakaken temenan, koela tanggel mesti badé angsal pambijan-toe saking tijang katah, lan inggih saking golongan Katholiek.

Para maos!

Boten namoeng sapisan poenika kémawon, Patjar Mérah ngatoeraken rembag „ngajomi kasoesilan“ Man-dar koela inggih sampoen naté nga-toeraken wet-wet-ipoen Nagari ing-kang sedyanipoen ngajomi kasoesi-laning kawoela. Nanging,.....kita inggih mangertos wet-wet waoe ké-nging kawastanan namoeng wonten seratan! Anggènipoen nindakaken boten kentjeng (kados panariking paos!) Margi Poenapa?? Petèk koel-a, bakoenipoen margi para prijan-toen ing Wet pijambak sami seneng!

Oemoemipoen tetijang sami mas-tani Paréntah ing ngriki poenika

„Christelijke Regeering“! Mila ang-gemoenaken sanget, déné boten patos manggalihi prakawis poenika!

Rembag „bestrijding der onzede-lijkheid“ poenika wonten Nederland inggih dados rembag!

Wonten Tweede Kamer kala woelan November 1929, pandjenengan-ipoen Mgr. Nolens ngandikakaken kawadjibaning Paréntah wonten laladan kasoesilan. Malah laras-la-rasipoen, neda éwah-éwhaning wet ingkang toemindak ing sapoenika.

Minister Binnenlandsche Zaken pandjenenganipoen toewan Ruys de Beerenbrouck, nalika mangsoeli se-sorah - sesorahipoen warga Kamer, inggih ngandikakaken: Paréntah Ne-derland pantjen angakeni bilih me-rangi sadaja kawontenan ingkang nradjang kasoesilan poenika loe-hoer sanget. Mila Nagari inggih ba-dé paring pitoeloengan ing sasa-ged - sagedipoen! Nanging, saking pamanggihipoen Minister Ruys de Beerenbrouck pangretos bab kasoe-silan (zedelijkheidscesef) ingkang pengkoeh, poenika bakoenipoen ke-dah toewoeh saking kawoela pijam-bak. Pandjenenganipoen angandika. „Moegi tanah kita, ingkang ngèsti pinaréntah tjara Kristen, saged noe-woehaken *pijambak* wet loehoer toe-mrap kasoesilan.”

Pantjen! Itjaling rojal èstri poeni-ka mila inggih kedah toewoeh sa-king tijangipoen pijambak. Pamboe-didaja merangi onzedelijkheid kedah toewoeh saking pakempalan-pakem-palaning kawoela! Nanging,..... ichtijar kita boten badé kasembadan manawi tanpa pitoeloenganipoen prijantoeing Nagari! Pandjerit kita, badé tanpa toewas manawi tanpa pambantoenipoen golongan letter W met de Kroon! Manawi Nagari boten kapareng nindakaken poenapa leresipoen, ngentjengi toemindaking pranatan matrapi paekoeman da-teng tetijang (toko) ingkang ngedal-aken boekoe lékoh - lékoh, gambar saroe-saroe enz.....tandangipoen para amerangi rojal èstri inggih sa-sat tanpa damel. Mila, moegi rembag „bestrijding der onzedelijkheid“ won-ten Nederland waoe, saged andajani Paréntah Indonesjah angentjengi toe-mindaking pranatan kasoesilan.

Semanten oegi dateng kantja serat kabar, koela ngadjeng-adjeng moegi sami anandangi prakawis poenika ingkang saèstoe sarana boten poe-roen ngewart advertentie saroe-saroe lss. Taksih katah waosan saé - saé ingkang migoenani dateng kawoela!

Golongan Agami poenapa kéma-won, koela soewoen samia toeman-dang sesarengan ngitjali kawontenan ingkang nglorotaken daradjinganing Indonesjah poenika. Langkoeng-langkoeng golongan Katholiek, moegi sami toemandang sengkoet!

Kumuningsasèl 18-1-30.

Taklim:
PATJAR MÉRAH.

CORRESPONDENTIE.

P. C. Waar: pandjenengan sinten? Lengganan ingkang namoeng gantos adrès ing salebetipoen liberoan poenika (woelan sijaam), koela atoei maringi priksa dateng poskantoor ngrikoe kémawon, soepados la-djeng kaéwahan.

Abonné nomen 246, 257 lan 272, manawi pandjenengan minggoe ngadjeng boten tam-ni Swara-Tama, pandjenengan sampoen ma-ngertos pijambak.

weezenfonds ingkang sami plek ka-lijan gadahanipoen bangsa Walandi.

Karsanipoen Nagari bokmanawi kanggé wiwitan badé ngwontenaken weduwen lan weezenfonds kanggé poenggawa bangsa Indonesjah ing-kang blandjanipoen f50 minggah. Bokmanawi kémawon prakawis poe-nika wonten parepatan Raad Kawoe-la taoen poenika sampoen karembag.

Djampi sasakit pès.

Het Noorden: njarijosaken ing Margasari dalasan oegi ing Boemi-djawa naté katradjang sasakit pest. Nanging sasakit waoe boten kela-djeng-ladjeng. Ingkang makaten wa-oè margi igoeh pratikeliipoen Wadana Boemidjawa. Manawi ing salebeting grija wonten tijang sakit pès, tijang sa-nèsipoen ladjeng kadawoehan ngom-bé *arak obat* sagelas alit kamomoran *ragis*akedik. Manawi sampoen ngom-bé djampi poenika, tijang waoe la-djeng boten saged kataman sakit pès.

Saroedjoek kalijan dokter ing ngri-koe, tetijang ing bawahipoen sami kadawoehan djadjampi makaten poe-nika, ngantos sapoenika kénging di-poenwastani ing bawah kawadanan waoe boten wonten sesakit pès.

Panjoeuwenipoen Het Noorden Nagari soepados ladjeng matitisaken djampi waoe pantjen moestadjab poenapa boten. Manawi moestadjab, soepados ladjeng kaoemoemaken,

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAË TOEWIN AWÈT
INGGIH NAMOENG
MERK GAZELLE
INGKANG AWOEDJOED
ALCYON }
DUNLOP } RIJWIELEN
R. I. W.

Nitjil kènging! - Kentjèng soekoer!

GAZELLE HUIS - ROEMAH GIDANG
MALIOBORO - DJOKJA - TELF. 508.

ALMANAK MELAJOE 1930

soedah habis didjoel

Dalam koerang lebih tiga boelan sadja
soedah bisa lebih dari

40.000

(beloem terhitoe 40.000 Volksalmanak
Djawa dan Soenda)

akan tetapi djangan takoet

sebab mengingat keperloean toean-toean jang
beloem memesan, **BALAI POESTAKA** soedah
moelai tjétak tambahannja Volksalmanak Melajoe

8000 lagi!

SIAPA SOEKA BOLÈH BELI,
SIAPA SOEDAH TENTOELAH POEDJI!

Toko DJOEN & Co., Djocja.

PATJINAN MOEKA TOKO FUJI - TELF: No. 374.

Adres jang paling moerah dan paling baik
boewat pembikinannja.

ROTIE-ROTIE, KOEWEE-KOEWEE dan
BESCHUIT-BESCHUIT KERING.

SROETOE-SROETOE dan ROKOK-
ROKOK, jang haloes dan kasar.

Djoega slamanja djangan loepa minoem kita
poenja KOFFIE BOEBOOK, jang speciaal die
giling dengan machine Electrics, bisa giling aloes
dan kasar, menoeroet pembellie poenja perminta'an
die tanggoeng sampee menjenengken, harga per
pond f 0.90.

Bolih dateng saksiken!

Memoedjiken dengan hormat
Toko DJOEN & Co.

KALAU BELI OBAT - OBAT

DJOKJA

DJOKJA

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO "RATHKAMP" MALIOBORO

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA "RATHKAMP" DJOKJA

tanggoeng beli jang paling baik.
Djaga tjap "RATHKAMP"
dan "ERCEE"

DJANGAN TERIMA BARANG JANG BARANGKALI KOERANG BAIK.

TOKO BARANG-BARANG H. SPIEGEL — Djokja.

ADRES JANG PALING BAIK, boeat:

Eetserviezen — Theeserviezen: f 5,75.
Perkakas dari gelas, dan perkakas dapoer;
Kereta dan korsi boeat anak-anak;
Tempat tidoer, lampoe gasoline, dan
— permainan boeat anak-anak ketjil. —

**Semoea barang paling djempol, dan
moerah sekali!**

TJÈT GILAP wedalan FRIELING model A.

kanggé ndjawi lan nglebet, namoeng kantoen ngagem.

kawadahan ing blèg, netto 10 5 2 1/2 1 1/2 kilo;
sablèg regi 10,50 5,50 3,- 1,30 0,75;

TJÈT GILAP model B, kanggé ndjawi lan nglebet
namoeng kantoen ngagem; sablèg netto 10 kilo: f 8,50;
5 kilo: f 4,50.

PABRIK TJET R.B. FRIELING,
Gondhomanan 80 — DJOKJA — Telefoon no. 784.

**Mangga
sami
ngabarna
ing
SWARA TAMA!**

SAWEG MENTAS AMBABAR.

Boekoe: PANGANGEN-ANGEN KANG-
GÉ SABEN DINTEN.

Soegeng saha piwoelang Dalem Kang-
djeng Goesti Jésoes Kristoes.

Djilidan I 500 katja

namoeng regi f 1,25 fr. i. p. f 1,45.

Kénging toembas dateng:

- Pastoeran Kotabaroe Ngajogjakarta.
- Kantor Swara-Tama.
- Drukkerij Canisius.

Engetipoen Het Noorden, Nagari tjalon
paring gandjaran f 10.000 dateng
tjatang ingkang saged manggih djampi
pést.

Tijang doesoen gadah tékad.

Tijang nama Madjasin ing doeso-
soen Nengkelan, ond. distr. Pat-
tjet, distrik Tjiparaj, kaljan kantja-
nipoen sawatawis, kala wiwitanipoen
woelan Maart 1926, ngajati damel
ilèn-ilèn kanggé ngilèkaken tojani-
poen lèpèn Tjirawa dateng sabin.
Sasampoenipoen njrempeng njam-
boet damel ing salebetipoen 22 woe-
lan, ilèn-ilèn waoe sapoenika saged
dados. Pandjangipoen 9 k.m., saged
njoroti sabin 100 baow ingkang wa-
oenipoen boten saged ngedalaken
kasil déning kekiranngan toja. Sabin
100 baow poenika waoe, ingkang 25
baow gadahanipoen Madjasin pijam-
bak. Ragadipoen telas f 4000, ing-
kang f 3000 Madjasin pijambak ing-
kang tjoejtjoel.

Prakawi smakaten poenika loehoer
sanget, saéstoe migoenani dateng ta-
nah lan bangsa. Langkoeng migoenani
tinimbang ngwontenaken parepatan
ingkang tjarijosipoen ngrembag pra-
kawis wigatos kanggé preloenipoen
bangsa Indonésijah. Makaten tjarijos-
ipoen *Algemeene Indische Dagblad*.

SAKING SOEKARENA.

M. K. R. martosaken:

Kawontenaning pasitèn mindak
saé, rawa-rawa malih sabin, margi-
margi lan loeroeng-loeroeng ing-
kang awon mindak saé, kretég-kre-
teg sampoen wiwit dipoen-garap.
Katahing malaria soeda. Nanging
ngadjengaken rendeng poenika mek-
sa wonten ambah-ambahan, tjatang
sadoesoen Soekarena ingkang tilar
watawis tjatang 30. Nanging djalarani-
poen sami sakit poenapa, boten sa-
ged mastani terang, awit boten won-
ten pepriksan dokter. Bokmanawi

gantosing hawa, oetawi saking ka-
sèping djawah.

Kasarasan. Katahing tjatang njoe-
woen djampi datang Pastoeran Soe-
karena wiwit tanggal 15 Januari 1929
doemoegi 31 Desember 1929 kaé-
tang ambal kaping 1110. Tjatjah
samanten waoe taksih wonten ing-
kang klangkoengan sawatawis.

N. S. *Djember* kala roemijin nge-
moengaken kanggé tjalon goeroe
Madoera, taoen sangalikoer poenika
oegi kanggé Bali, moerid saking Ba-
li 29 sampoen adjal 1 kantoen 28.
Voertaal Madoera lan Bali. Kadjawi
basa Mladjeng oegi kawoelang ba-
sa Walandi. Moerid sadaja 122.

Studieopdracht.

Prijantoen tiga ingkang kaseboet
ing ngadap poenika kadawoehan
Nagari Nederland, ndjembaraken
seserepan.

R. A. A. *Soejana*, tilas Boepati
Paseroewan sapoenika warga ge-
delegeerden Raad Kawoela. R. A. A.
Tjakarningrat Boepati Bangkalan.
Prijantoen kekalih poenika kakar-
sakaken matitisaken prakawis eco-
nomie, tatanèn, cooperatie, lss. Déné
satoenggalipoen R. I. F. *Wenas*
Hoofd Djaksa Menado kadawoehan
matitisaken prakawis methode mo-
dern babagan recherchedienst lan
tjara pangoroesian doerdjana, tjek-
kak ingkang babagan kapoelisèn.

Ongkos waragading lampah, Na-
gari ingkang njanggi. Béndjing ma-
nawi sampoen wangsoel, kawadjaban
ngatoeraken palapoeran sarana ka-
serat dateng Paréntah.

Ningkah lan pegatan ing Bandoeng.

Ing salebetipoen wolan Dec. ka-
pengker poenika, ing distrikBandeng
tjatjahipoen tjatang idjab wonten 322,
pegatan 388, roedjoek malih 40.

Wolan November 1929, idjab
403, pegatan 391, roedjoek 30. Ing
salebetipoen kwartaal IV ing taoen
1929, tjatjahing tjatang idjab wonten
1099, pegatan 1149, wangsoelan 97.

Taoening sakolah.

Njambeti ingkang sampoen naté
kawartosaken. Ing Sw. T. bab badé
wontening taoen sakolah énggal toe-
mrup sakolah Norm. sch., Amb. Sch.
lss., sadèrèk P. ing Mliir Ambara-
wa martosaken:

Mitoeroet dawoeh saking kantor
Inspectie pamoelangan Djawi ing
Ngajogjakarta 3-1-'30 No. 87/20.
Toemapaking taoening pamoelangan:
Normaal, Cursus goeroe doesoen,
angka II, makaten oegi pamoelangan
doesoen wonten ing tanggal 1 Juli.
Dados nginggahaken moerid saha
njoekani tanda tamat pasinaon oegi
wonten tanggal 1 Juli. Examen ngle-
beti Normaalschool toewin Cursus
goeroe doesoen ingkang badé kalam-
pampahan poenika béndjing wolan
Juni 1930.

SAKING SOERAKARTA.

Abonn. no. 565 martosaken:
Njarengi taoen énggal wonten ka-
indakan sawatawis, inggih poenika
sawoeng K—E ing Solo 4, sad.
R. Parmaka, Sadija, Alf. Marwata,
Mardji sami nampi diplomanipoen.

Iksamen Koersoes goeroe doesoen.

Nalika Desember 1929, para sis-
wa cursus goeroe doesoen, ing
Moentilan kalijan Medari sami di-
poendadar kesagedanipoen wonten
ing College Moentilan. Tjatjahing
moerid wonten 17, Moentilan 10,
Medari ingkang 7. Sadaja waoe sa-
ged katampèn iksamenipoen.

Pambijantoenipoen paréntah Djepang.

Asaka Jiji njarijosaken bilih pa-
réntah Djepang ing Formosa damel

poetoesan ambijantoe pakarjan-pa-
karjan Djepang ing Indonésijah.
Pambijantoe waoe awoedjoed ngrén-
tjangi ambajar 7% ning anakan
samboetanipoen dateng Kwanan
Bank. Bank poenika waoe tjalon
njamboeti arta dateng pakarjan-pa-
karjan Djepang ing ngriki mawi
anakan 12%. Dados tegesipoen
pakarjan-pakarjan Djepang waoe
namoeng nganaki 5%. Pakarjan-
pakarjan Djepang ing Indonésijah
ngriki dipoensadijani arta samboetan
2 mljoen yen. Bironipoen Nagari
Djepang kanggé prakawis sabrang
oegi ngrembag. Directeur-ipoen biro
poenika waoe, toewan Kudara ngla-
hiraken pangadjeng - adjengipoen
soepados pambijantoe arta poenika
waoe saged ngadjengaken pakarjan-
ipoen bangsa Djepang ing Indoné-
sijah. (*Bintang Mataram*).

Bèbèk Indonésijah.

Salebetipoen wolan Djoeli 1930
ing London badé wonten tentoon-
stelling kéwan iberan. Indonésijah
badé ngintoenaken bèbèk. Ingkang
kintoen toewan H. Broekhuis ing
Bogor.

Ing Hardewijk (Nederland) wonten
panggaotan ngingoe bèbèk. Ingkang
kanggé bibit inggih bèbèk Indoné-
sijah.

Bèbèk wedalan ngriki pantjèn
misoewoer wredèn. (*Sin Po*).

Kekirangan teda.

Margi kekirangan Djawah, ing
Goenoeng Kidoel (Ngajogja), sam-
poen sawatawis dangoe, kambah
patjeklik. Saking sangetipoen ma-
noet *Bintang Mataram* tetjatang ngri-
koe ngantos sami neda ron nangka.
Tetjatang ingkang tjaket kalijan ngaré
sami neda woh sata boetjatan saking
pabrik sata. Woh sata poenika waoe
dipoendelok ladjeng dipoenratengi.
Ing Imagiri, manoeet *Sedya Tama*

inggih kekirangan teda. Tandon-
ipoen teda sami telas. Wonten
doesoen djiwanipoen 400 namoeng
gaduh pantoen 50 datjin, wos 1 1/2
datjin, glepoeng gaplèk 35 datjin,
djagoeng babar pisan boten wonten.
Mangka teda bakoe gaplèk kalijan
djagoeng.

Katjarjosaken oegi tetjatang pare-
dèn sami toemoeroen dateng ngaré
ambekta gagadahanipoen awarni
lemantoen, médja lss., kalintokaken
teda. Ing pagantosan isinipoen ba-
rang remèh² kados déné patjoel,
wadoeng, arit, pétjok, gradji, lss.

Kabesmén ageng ing Dèli.

Kampoeng Tandjoeng Pasirkuala
salebetipoen minggoe kapengker
telas kabesmi, kadjawi namoeng
grija padjagèn poelisi (posthuis),
kantor tilpoen, lan sanèsipoen sa-
watawis. Grija ingkang kabesmi
tjatjah woewoeng boten kirang sa-
king 80. Kapitoenènipoen kirang-
langkoeng f 138.000. Tijang boten
wonten ingkang pedjah.

Poedjangga Ranggawarsita.

Wonten ing gedong R. K. Univer-
siteit Nijmegen, prof. C. C. Berg
(kala 29 Nov.) adamel sororah bab
kaboedajan Djawi. Para saged katah
ingkang nenggan.

Saking pamanggihipoen pamedar
sabda, Ranggawarsita poenika pan-
tjèn inggih ahli sekar. Nanging poe-
napa ingkang katjarjosaken, poenika
manawi kawawas tjara kawroeh,
boten kénging kaendel djer ing rikoe
namoeng ngawoer kémawon.

(Éwadéné toemrap ingkang da-
mang dateng boekoe-boekoe Rang-
gawarsitan, amastani katah sanget
anggitan Ranggawarsitan ingkang
isi piwoelang saé, mandar kénging
kawastanan langkoeng soesila ti-
nimbang boekoe-boekoenipoeh ahli
sekar bangsa Djawi sanèsipoen.
Red.).